



月屋漫藁序



唐以詩為科目詩莫盛於唐而詩之弊至唐而極宋以
文為科目文莫盛於宋而文之弊至宋而極甚矣詩與
文之極其弊而難於其起弊也自有虞明良之廢歌已
非太古忘言之天矣三代以還雖王者之迹熄而世猶
近古其播於聲詩發為詞令形於規諫諷刺者皆所以
紀一時之實豈好為是虛言哉國以詩文立科目非世
道之幸士以詩文應科目又豈人心之幸宜古道之滋
不可挽也嗚呼自孔子刪定繫作以來詩書易春秋之
文僅存而其道則泯矣以言乎詩自三百五篇訖於戰

國詩之脉幾絕而騷續之故騷有功於騷之下有選由
選而至於唐惟杜少陵為備以言乎文 獲麟絕筆之
餘諸子百家蝟興蠹起不有孟子之書 聖人之道
晦矣故孟子功在禹下至若荀揚之簧鼓聖言班馬之
戶牖古史歷三國六朝隋唐之世斯文微如一髮而韓
昌黎力挽古學泐唐而宋則歐陽出焉嗚呼盛者乃所
以為衰也然詩盛於唐 之詩脉自杜少陵而降詩以
科目而弊而弊極於五代之陋文盛於宋 之文脉自
歐陽諸公而降文以科目而弊而弊極於南渡之末年
以科目而為詩則窮於詩以科目而為文則窮於文矣

良可歎哉僕自齠髻時讀父書承師訓惟知習舉子業
何暇為推敲之詩作閑散之文哉自科目不行始得脫
筵塲屋放浪湖海凡平生豪放之氣盡發而為詩文且
歷攷古人沿襲之流弊脫然若醢鷄之出甕天坎蛙之
出蹄涔而遊江湖也遂得率意為之惟吟詠情性講明
禮義辭達而已工拙何暇計也於是哀集所作詩文繕
寫成編命之曰漫藁以為他日覆瓿之資若曰復古道
起文弊則有今之韓杜在天台山人黃庚星甫氏序
時泰定丁卯孟夏作

月屋漫稿

天台山人黃庚撰



五言律

漁隱為周仲明賦

一笠戴春雨扁舟寄此情
世間塵網密江上釣絲輕
不羨魚蝦利唯尋鷗鷺盟
狂奴臺下水猶作漢時清

九日偶書

水國鴈已到山籬
菊未開判吹頭上帽
莫放手中杯暮雨
滕王閣西風
項羽臺人生能幾履
惟恨付蒼苔

秋晚山行

鏗然短策聲無事，覺身輕落葉山行。
輒流泉澗，飲清巖痕，沙露濕鴈影。
夕陽明歸路，逢林窅，班荆軟隱盟。
夜坐即事

對景坐清夜，蕭然髻已華。
詩慳難就，藁燈暗不成花。
易醉愁邊酒，頻歸夢裏家。
何時鋤舊圃，學種邵平瓜。

禹廟送春

歌吹滿湖濱，傾城出送春。
波光明畫艇，山色醉遊人。
書穴靈何在，梅梁迹已陳。
我來閑弔古，回首一霑巾。

晚窓即事

一枕紗窓下，池塘草夢殘。
炷雲金鴨暖，滴露玉螭寒。
晉

帖從頭寫，唐詩着眼看。
晚來吟思倦，和月凭闌干。

幽居

幽居少塵事，贏得一身閑。
竹屋無人到，柴門盡日閑。
斜陽明晚浦，落葉瘦空山。
隔水雙飛鷺，忘機自往還。

宿龍瑞山房次周雲隱韻

木葉秋容瘦，客懷思故。
淡雲微見月，一去忽經年。
莎草平詩屋，江潮沒釣船。
何時歸舊隱，風雨對床眠。

翠峰庵即事

竟日尋幽處，杖藜不憚遙。
客行黃葉路，僧立碧溪橋。
岩瀑飛寒雪，松風吼夜潮。
是山皆可隱，何用楚詞招。

王脩竹館舍即事

池館翠涼處寬閑稱客居
未仙猶閨苑不夢亦華胥
竹淨堪居鶴荷香欲醉魚
心清無箇事長日一編書

寄雲谷王府判

曾記還家日重來約夏初
自從一別後又是十年餘
原憲非閑病嵇康嬾寄書
無從問消息近况果何如

餞越守

旌旆漲天飛江山慘夕暉
傾城餞州牧別淚點朝衣
人指生祠說春隨祖帳歸
自來言越瘠公去轉能肥

別山陰諸友

好風殘臘盡春意動園林
柳色獨青眼梅花同素心
江湖方轉徙歲月自侵尋
思別山陰去徘徊憶舊吟

贈葛秋巖時寓能仁蘭若

蘭若分清隱秋窓飽看山
風霜双鬢老天地一身閑
拄杖穿雲去吟囊貯月還
詩成誰與語時訪竹林間

書懷

平生湖海氣老去歎飄蓬
知命難求富安貧不送窮
江空思捉月天濶欲行風
俗眼從渠白無人識此翁

寄菊坡吳府判

客懷元自惡非是為秋悲
一別又三載百年能幾時
音

書無鴈寄心事有鷗知遙想菊坡菊西風香滿籬

夜坐即事呈脩竹

一室冷于冰秋高夜氣清月窓攬燭影風葉落琴聲寡
慾知身健安貧覺累輕吟邊閑倚竹誰識此時情

晚春即事

園林芳草歇風雨暗荒城轉眼青春過臨頭白髮生啼
鵲止國恨歸雀故鄉情三逕多荒草東還許未成

登寶林佛閣次韻

曳杖陟高閣登臨思渺然閑身空歲月老眼幾山川落
照明秋浦飛流濕暮烟倚闌悵今昔餘恨付吟篇

夜坐讀書

寂寞寒窓下觀書勝苦吟青燈風雪夜黃卷聖賢心吾
道閑興廢斯文幾古今鳳兮胡不至三歎淚沾襟

春日西園晚步

為好園林好夫筇伴獨行花香能醉蝶柳色欲迷鶯但
得青春在何妨白髮生斜陽紅盡處一抹暮山橫

書所寓

不厭茆廬小栖此可此身菊殘如倦客梅瘦似詩人有
地堪藏拙無醫可療貧并州故鄉夢長憶鑑湖春

書懷寄呈諸友

寂寞筇簷下窮居更待時吾儕貧可忍餘子俗難醫風
月最宜酒江山都是詩廣文無鄭老誰與共襟期
題義上人清虛閣

偶來成一宿便覺與禪通看塔月影盡捲簾秋色空因
知釋氏學亦有晉人風吟到忘言處悠然此意同

秋夕和呂講師韻

誰彈指隱操雲外伴清幽午夜山林月一花天地秋經
窻涼影淡禪榻古香浮不作蟾宮夢淒然憶舊遊

偶書

豪氣消磨盡携書客海濱文章難遇主天地不憐貧家

累依劉表妻兒笑買臣彼蒼還可問吾道幾時春

九日

萸節今朝是秋光又一年但教樽有酒休問篋無錢白
髮羞唐帽黃花識晉賢龍山渺何許回首思淒然

送別胡汲古

自憐身是客又送客登舟雖有重來約難禁一別愁風
烟迷柳驛草樹暗春洲後夜懷人處山空月滿樓

西嶼即事

松陰迷草徑緩步曳吟筇秋窻有仙意寒花無冶容漁
洲烟浦笛僧寺夕陽鐘回首來時路白雲深幾重

春日和韻

新晴天氣好老去倦尋芳桃李自春色園林又夕陽捲
簾通燕入掃逕惜花香寒食清明近松楸憶故鄉

述懷

柴門閑掩晝雲護竹窻深茂草多生意枯松見古心有
書消白日無術化黃金客問生涯事長年只苦吟

對竹

門對南隣竹青上玉萬竿雖然無地種且得隔籬看露
葉晴猶濕風枝夏亦寒但教休剪伐日用報平安

秋色山陰詩社中選

憑高望不極望斷動愁情落日淒涼處西風點染成丹
楓明野驛白水浸江城馬上人回首戎馬黯客程

幽居

結屋依山住幽窻與靜宜藤花上踈竹苔石卧荒籬挈
榼童沽酒敲門客送詩老慙生計拙役口又何為

懷友

柴門春事盡未見故人来樹密鳥相語山空花自開傾
心多日別屈指幾時回為問頻書札何時共酒杯

夏夜小酌

小酌酬清興凭闌看月移分茶醒醉客添燭了殘碁螢

影明桐井蛙聲出草池荒城江漏遠試問夜何其
王脩竹約觀打魚分韻得圓字

隔岸呼漁伴輕篙破曉烟鳴榔舟葉聚撒網浪花圓饒
鷺窺高樹鷺鱗過別川洋口聊付物生意自無邊

新鴈

來賓何太早嘹唳過南樓數點乍離塞一聲初報秋行
驚客恨字上寫鄉愁仗節人何在帛書能寄不

病中

讀易寔閑久多時不點硃硯乾蟾渴水篋破蠹侵書氣
味如僧淡形容似鶴癯交遊空滿眼誰念病相如

月山書館

山色青邊屋幽深稱隱居瓶梅香筆硯雪冷琴書壁
有先賢像門無俗客車代耕惟舌在何必耦長沮

秋夜獨坐

黃庭垂讀罷掩卷對寒檠髮為憂時白心因學道清一
窓秋月色四壁夜蛩聲坐倦閑歌枕詩成夢不成

九日書懷

客驛同秋老鄉心逐鴈飛重陽今日是三逕幾時歸籬
下多黃菊門前少白衣無人慰岑寂獨立對斜暉

古松

天矯森寒翠髯蛟勢倚天高陰無六月老氣已千年斷
藥人能壽巢枝鳥亦仙秋風響柯葉彷彿奏虞絃

聽雪

撲簌敲窓紙寒齋剡水濱六花初落夜孤枕未眠人耳
靜聲逾細心清趣自真愛梅情更苦恐壓一枝春

石窓為明上人賦

何年鑿山骨八面鎖蒼苔海月始還白天風吹不開玲
瓏宜大室明潔稱經臺眼界皆通透閒雲任去來

對鏡

勲業夢不到曉窓時一看是非須內照妍醜付旁觀客

髻從渠白詩肩本自寒儼然瞻視處賴爾整衣冠

夜坐

世事等輕雲遽廬寄此身青燈少年夢白髮異鄉人按
劍驚山鬼吞舟養谷神黃庭重讀罷吾得葆吾真

西州即事

一雨洗空碧江城獨倚樓山吞殘日沒水挾斷雲流燈
影深村夜鐘聲古寺秋西州舊遊地十載此淹留

春日即事

扶杖行幽徑園林欲暮天錦棠紅濯雨絲柳綠縹烟春
事忽三月風光又一年容懷正愁絕那復聽啼鶉

採菊

籬東閑採菊三迳碧苔深曉露冷双屐秋風香一襟餐
英供小酌嗅蕊伴清吟會得悠然處方知靖節心

春日

春色濃於酒何須醉玉觴柳疎鶯占影花雜蝶分香往
事隨流水閑愁付夕陽吟邊自歌舞猶學少年狂

六月白菊

壽客背時芳何須晚節香人間方夏熱籬下自秋光便
是重陽日真成六月霜若教陶令見應以醉為鄉

白蓮

泰華峰頭種移根植野塘一池秋夜月萬柄曉天霜西
帝羅青蓋真妃逞素粧鷺飛無認處點點水雲鄉

石門

羸馬東山路駁々抵石門落花春夜雨流水暮烟村久
客悲行役清愁攪夢魂勞生多感慨餘恨付乾坤

書山陰驛

迢遶三山道重來感舊遊潮聲寒帶雨山色淡生秋寄
驛通鄉信題詩記旅愁江湖十年亂兩度到西州

偶書

老眼看書暗桑榆景漸催文章身後貴懷抱酒邊開燈

火夢猶在功名心已灰客來休問字且覆掌中杯

宿甘露寺

山險疑無路縈迴一徑通鐘聲寒瀑外塔影夕陽中
窈出茶烟白爐分葑火紅禪房遇耆舊清話數宵同

江樓

凭高閑眺望老眼倍增明林白山雲出潮紅海日生
登臨懷舊恨吟笑遣閑情客裏逢心友開樽敘昔盟

竹杖

一枝蒼節瘦恰稱地行仙不但挑詩卷尤堪掛酒錢
看梅敲雪落引雀苔穿莫近葛陂水化龍蜚上天

次韻書懷

風霜頭易白悔不早歸耕客路遠千里儒冠誤一生
世情雲共薄心事月同明老去便踈散逢人懶送迎

秋日

旅食幾時休生涯未有涯西風一夜雨落葉萬山秋
起石終當隱艸玄殊可羞江鄉烟水遠何日買歸舟

贈皎上人

破衲和雲着何時下赤城高年頭未白得道骨全清
詩思秋空濶禪心夜月明何當捐世事來結遠公盟

王直翁相過

芒鞋朝踏雨來自赤城山久別翻生面相看各老顏開
樽茆屋裏煮茗竹林間此去須榮遇寧愁行路難

鴛鴦梅

孤花忽媿媚並蒂占春陽自有双成意全勝姑射粧月
溪同浴影雪樹共棲香玉笛頻吹處交飛落野塘

王琴所話別

羈懷不可述賴有古琴知客舍相逢日江楓正落時夕
陽村店酒秋色野橋詩別去吳江上悠々動遠思

除夜即事

除夕無詩侶燈窓酒獨斟三更風雪夜一片歲寒心衰

老常憂病消閑不廢吟明朝年八十晚景惜輸陰

王可交昇仙臺四首臺在青龍鎮南

人去臺猶在飛昇事可嘉神仙多变幻塵世總虛花煉
氣顏雖老勞心鬢已華千年留古跡題詠屬詩家

異人鍾秀氣草木亦精神見說為漁父誰知悟道真仙
家多勝景世路有迷津安得騎黃雀相隨入昊昊

仙翁不可見惟有一空亭地冷春留雪林深晝見星松
篁團秀色蘭蕙吐幽馨立盡斜陽影閑看鶴刷翎

我來閑弔古觸景覺淒涼踏石雲侵履捫蘿露濕裳森
森林木茂馥々野花香寺近尋僧話談禪坐竹床

冬夜即事

獨寢書窓下其如寒夜何頭邊枕黃
脚底踏湯婆紙
帳梅花暖布衾春意多道人無妄想夢不到南柯

寄友人

相望咫尺地久不到蝸廬室邇人何處心親迹甚疎交
游常念舊情意只如初我欲携囊去相逢勝寄書

偶書

老來驚歲晚愁裏度年華雲凍天將雪山寒梅未花曉
窓留客飯午寺覓僧茶歸路江村暝行已及暮鴉

孤鴈

長空獨嘹唳隱約背斜暉塞北離羣遠江南失侶歸度
雲憐隻影照水認双飛却羨投林鳥相呼入翠微

呈魯蒲澗提刑

乃茶山後人茶山曾以活字詩授
陸放翁

詩自茶山後如公世所稀特來參活字應肯授玄機寒
澗孤芳老秋雲獨雀飛台山千萬丈望已未能歸

和茅亦山韻二首

一生塲屋夢老去付修已始信功名事難將智力謀有
才如孔孟無命不伊周吾道今如此蒼天可問不
愛靜吟成癖耽書近欲癡事多因錯省節不為貧移長
物新添画生涯舊有詩窮通係天命知命復何疑

題嚴子陵

故人雖即位自不願為官天下事已定山中人可閑一
絲江月色千古客星寒捷徑終南士聞風定報顏

除夕

爆竹驚殘臘冬春此夕多且斟分歲酒懶賦送窮文客
思愁簷雨鄉心逐海雲陽和在何處明日問東君

和鄭梅深有錢塘十詠

江湖新識面恰似舊相知腹貯三餘學才工十詠詩聲
名蘇太史家世鄭當時客路携琴去終須遇子期

即事

雀羅門戶靜無客扣柴扃索句髭先白看書眼尚青雲
粘題石壁月浸汲泉瓶咲殺利名客沈酣死不醒

對客

窓下篝燈坐相看白髮新共談為客事同是異鄉人詩
寫梅花月茶煎穀雨春明朝愁遠別離思欲沾巾

寒夜呈梅深

空齋對孤客寂寞似僧家爐冷頻燒葉燈昏不吐花夜
長添睡思歲晚憶年華吟倦推窓坐梅花月未斜

林霽山架閣同宿山中

秋風山館客移席近汀前共話忽深夜相看非少年斗

垂天未樹鱗出雨餘天亦有茆簷下飯牛人未眠

遊東菴

菴連兜率寺三逕竹邊開林密暑不到窓虛月自來暮
山啼鳥靜雲樹嘯猿哀拂拭殘碑字年深半綠苔

贈了上人抄化

破袖卷秋雲入山深更深近聞營梵剎應不累禪心寒
瀑瀉蒼壁晚花生古林遙思明月夜誰聽穎師琴

呈毛一齋先生

前輩彫零盡如公尚典刑為僧眷獨白見客眼長青教
子成三俊傳家有六經我來問奇字應許扣柴扃

別徐敬翁

契濶又兩載光陰一擲梭祇因離別久不覺語言多安
得長留此其如欲去何詩盟終未冷早晚更相過

寄姜仕可

獨學苦無友年來媿廣文懷賢歌伐木憶別賦停雲病
後少出戶夢中多見君盍簪須有日却與共論文

寄月山太守

下車方歲月早已政聲馳太守一身瘦東川百姓肥勤
勞惟聽訟閑暇即吟詩官况依然在何須賦式微

歲晚書懷呈月山太守

光陰催我老衰病亦堪憐殘陽不多日餘生能幾年有
為俱是妄無事即成仙近得安心法蒲團學坐禪

鶴林仙壇寺

古壇歸宦杳野鹿自成羣嵐氣浮晴曉鐘聲出白雲樹
穿僧屋老水到寺門多人世無窮事山中了不同

五言古

擬古

畹中有幽蘭風露飽清抱含章不求聞坐見九秋老夫
君日已遠佩飾為誰好何如斂餘芳山林養枯槁

驪龍有明珠奇氣久磅礴一為鮫人采夜半泣海若至

寶諒難得珍藏思遠托如何賤所貴用之以彈雀彈雀
亦何惜一去恐流落

名門有貞女始結絲蘿盟嬾婉席未溫良人已遠行遠
行何時歸妾身不自輕空幃守寂寞誓以終此生雖云
受恩淺耿々懷至情

山中怪物變草木自四時秋水照短髮血氣日以衰寒
藤不知枯青々上踈籬繁陰縱有托已迫風霜期餘生
方自憐孤吟欲何為

徂徠有嘉木藪々高連天脩柯濯雨露沃葉藏雲烟根
蟠九地暖聲落四壁寒由来能養不與春相干歲久

藏茯苓玉色腴且堅山人劇為藥至味通靈仙願言事
服餌身可三千年

旦景

雞鳴起濯髮披衣出戶牖自汲古澗泉落月猶在手三
漱吞朝霞餘光散花柳茲意難語人延竚息良久

至後

道人坐茅宇獨抱無絃琴對此景物變夕雲散還陰雨
氣一簾潤雲意千山深新陽暢微暄踈花點孤林芳時
坐消歇孰同歲寒心孤梅發清夜庭樹驚棲禽

故相賈秋壑舊府

當年構華屋權勢傾衛霍堂宇窮斧斤天章煥丹雘花
石擬平泉水陸致茲壑惟聞丞相嗔肯後天下樂朱門
鎖荆榛花木已蕭索蒼生顛墮崖國止身孰托空悲上
蔡犬不返華表鶴丈夫保勳名風采照麟閣胡為一聲
鉦聚缺鑄此錯回頭暮烟昏不能掩餘恠

九日會王脩竹西樓預坐者七人以落霞与孤鶩
齊飛分韻予得落字即席走筆

冉七五雲深山西日光薄登樓集群賢縱目天宇廓落
木悲徂年寒光照杯酌浩歌興悠然意行非澗壑緬懷
龍山遊此樂久寂寞胡為落帽人白首戀賓幕醉餘發

詩情分韻盡佳作吾愛漉酒中西風吹不落

綠珠

娉婷石家妹榮顯晉朝使斛珠不論貨得倚中櫺侍一
笑金谷春粉黛皆斂避豈知步障中乃復為愁地念主
愛妾深因妾為主累樓頭風月愁殘花抱素墜

燕子樓

繁華隨逝水日暮高樓空哀七徐陵妾事主不及終空
房輟膏沐明粧為誰容春風燕子來秋風燕子去去來
影帶双孤鸞抱惟悴回首醉嬌時百花不敢媚

潘淑妃

二八入宮掖一笑輕三千雲階渺何許步七生金蓮繡
鞋不勝春風若凌波仙榮華一回首荆棘生我前君恩
花上露妾心井中泉井泉誓不波下照青七天

秋胡妻

陌上桑葉稀室中蠶正飢妾心知採桑安知使君誰結
髮為人婦幾人守空幃婦義不移天黃金欲何為老姑
倚門久不待盈筐歸為妾謝使君風化閨庭闈

紀夢是歲大旱

去年屏人事北憲寄高眠夢魂御風去金闕開九天虎
豹猊不嗔知予有仙緣玉座擁五雲香爐飛紫烟青衣

兩童子舉手導我前下土蟻虱臣愚忠欲敷宣兵戈幸
休息飢饉方連綿洪惟大生德實司水旱權願言回哀
眷與世解倒懸上帝允臣請乃日賜豐年再拜謝闕下
回颺墮林泉夜雷聲殷々甘澤朝滿田沉思喜且驚異
夢非偶然士懷當世憂
貞觀有房杜斗米

三文錢

病後謝友人顧問

索居坐孤陋却掃甘隱淪荒徑無轍迹蓬藿方藁々風
雨撼四壁一榻寄屈伸誰念相如病豈堪原憲貧友人
隔河梁懷思賦停雲柴車忽過我問勞何殷勤促膝話

契濶道合情更親語言邁流俗意氣含至真盡懷談不
盡浣我胸中塵盤蔬与束脯草々為尔陳瓦盆煮新酒
味有太古春非徒洗磊塊亦足消鬱陲北窓坐終日薄
暝生秋旻斜陽戀客影抱袂不忍分此去歲月邁何時
復相親我輩重道義勢利何足云榮華易消歇德業久
彌新願言保名節努力配古人

遊謝仙巖飛霞觀岩下李參政墓

鬼工鑿山骨何年驅六丁飛霞遶石洞縹緲開珠庭永
懷謝仙伯坐斷山水城我來事幽雅登臨委客情松風
驅溽暑自覺毛骨清猿鶴亦仙意人生空營々石麟卧

荒草問是誰家塋野老對我言其人昔公卿金玉埋黃
壤送日冠蓋傾興衰變百年所重非修名乃知鍾鼎貴
不如芝薇馨所以世外人返老還孩嬰倚杖空嘆息洞
口雲冥

約王琴所不來舟中偶成

清飈捲炎埃碧水出秋素迨見山亭回首隔烟霧酒
帘颺漁村笳鼓響軍成倚蓬問舟人云是三江路籬落
雞欲棲野水牛已渡釣翁炊荻烟稚子收漁具抱琴人
不來殘陽在高樹

種松

去年種松樹未有蒿與蓬今年松漸長埋沒蓬蒿中老
髯何蒼歲華不改容回視蒿與蓬零落悲秋風

題三月梅花卷

紛紛魏家顏色競嫵媚人方眩春華東皇出古意素
花飭鼎實縞袂立蒼翠猶如喧啾中孤鳳忽呈瑞巋然
山林尊坐使衆芳愧

讀文相吟嘯藁

垂々大厦顛一木支無力精衛悲滄海銅駝化荆棘英
風傲几礎濱死猶錢脊血洒沙塲秋寒日亦為碧惟留
吟嘯編千載光奕々

雲間有懷

風流懷二陸才名動三吳荒塚今何許千載空烟蕪當
時逞文筆萬象爭先驅有如明月壁美價傾鴻都古運
有翻覆韞匱空良圖惜哉去就輕喪此千金軀人生各
有死百年同湏臾獨遺文字芳乃與天壤俱淒七九山
寒冉七谷水枯白鶴久已寂黃犬不復呼斯人今已矣
弔古空嗟吁

偶書

百歲集孤夜山樓起呼月秋虫聲轉悲感此衆芳歇人
身非金石青鬢忽已雪逾淮橘心秋出山泉水汨倚蘭
抱香死不受蓼莽沒
鳳德嗟已衰宣尼欲浮海賴有載道經神功補元宰刪
詩挽風變繫易憂世駭春秋筆削嚴西秦書乃采微義
將誓周逆悲大運改悠七千古心後死文書在

古意

庭前有高樹風撓無停枝寒鳥噤不鳴夜半環樹飛託
身未得所三匝情依七高飛犯霜露低飛觸茆茨乾坤
豈不容振羽將安之徘徊戀明月顧影徒傷悲

感懷

入山採芝薇豺虎據我丘入海尋蓬萊鯨鯢掀我舟山

海俱有礙瞻望凝遠愁乾坤如許大此身常浮漚依託
豈無地皇已將安求何當跨鳳鵬相從安期遊

七言絕

書懷

萬卷詩書千古事一燈窓火十年心功名夢斷身無用
閑補離騷學楚吟

偶成

淵明覺是新愁少伯玉知非舊恨多畢竟是非皆一夢
百年夢醒事如何

暮春

芳事闌珊三月時春愁唯有落花知柳綿飄白東風老
一樹斜陽叫子規

書燈

書幌低垂風不來蘭膏花暖夜深開剔殘猶有餘光在
一點丹心未肯灰

海棠

臉暈輕紅酒力微真妃半醉夜深時杜鵑叫落花梢月
獨倚東風睡不知

春陰芍藥

點滴簷聲濕徑雲翻堦紅藥帶啼痕可憐花片都零落

雨露雖多不是恩

芭蕉

翠葉離披傍竹林幾年雨露受恩深
綠章封事今無用空對西風抱赤心

黃芙蓉

媚色津口散朵芳道人粧束勝紅粧
詩人若作桃花看便覺西風不甚涼

聞角

誰送寒聲入夢中遙知人在戍樓東
明朝梅嶺花飛雪未必都因昨夜風

花柳

花半睡時分蝶夢柳三眠處足鶯聲
誰知花柳無情物添蝶鶯便有情

酒家

風颭青帘出杏林行人來醉甕頭春
安知滌器笊簷者不是相知行輩人

贈醫者花道人

藜杖橫肩過竹扉半挑藥籠半挑詩
笑予盤礴山雲裡泉石膏肓作麼醫

晚春

老來無復事狂遊倚杖看花動客愁
病骨怯寒春不管
柳棉風裏木棉裘

漫述

百拙懶營生計事一貧方識丈夫心
簞瓢陋巷皆真樂
何用多藏鄙塢金

青春易過不多日白晝得閑能幾人
有限光陰空役
堆錢難買百年身

對客莫談當世事閉門且讀舊時書
蓬萊獻賦心猶在
只恐無人薦子虛

楚江何忍沉清客周粟安能活餓夫
慨想前修千古事
孤忠高義後來無

逢人休要說公卿老去無心慕寵榮
李不封侯劉不第
千年青史亦傳名

世事艱難如意少功名榮耀誤人多
浮雲富貴非吾願
且買扁舟理釣簑

晚中漉酒心先醉著屐登山脚便輕
浩飲清遊憶陶謝
古人千載尚留名

眼前萬事等一夢世上幾人能百年
千古英雄今已矣
北邙荒塚草芊芊

文盟無主江湖冷詩社欠人風月閑
老去盍為歸隱計

却於何處買青山
烘柳日高花院暖
炷沉烟冷竹窓虛
閑編怕見傷懷事
不讀離騷讀四書

一春

新綠園林雨過時
黃鸝無語恨春歸
楊花怕逐東風去
搭住闌干不肯飛

花心醉日蝶先覺
柳眼窺春鶯未知
景物繁華易凋謝
一春消得幾番詩

江上

江上支筇眼界寬
夕陽影裏水雲寒
憑誰說與閑鷗鷺

借我漁磯把釣竿

送筆與各菴和尚

恨殺毛錐久不靈
持多二輩到禪扃
難書八萬四千偈
只寫多心一卷經

梅菊

菊清獨占風霜國
梅白偏宜雪月天
晉宋後來愛花者
豈無靖節與逋仙

江景

寒生鴈背天將雪
冷入魚腮水欲冰
釣艇歸來江路暝
舟人分火點漁燈

聽雨

老來已覺此身閑
近日唐詩亦懶看
半榻白雲眠聽雨
一窻簾影隔春寒

暮春

東風庭院夕陽天
恨綠愁紅又一年
春自要歸花自落
莫將芳事怨啼鶯

柳老黃鸝遷別樹
花殘粉蝶繞空林
道人不管春光去
看了紅芳看綠陰

一鳥不啼春寂_七
百花都落雨濛_七
十分花鳥東風恨
半在詩中半酒中

題漂母飯信圖

國士無双未肯臣
漢皇眼力欠精神
築壇直待追_七後
不及漢邊一婦人
一飯豈能忘漂母
英雄未遇有誰知
可憐屏底丹青筆
不畫登壇拜將時

詩窮

風愁月恨屬詩翁
終日推敲句未工
何苦辛勤學郊島
嘔心博得一生窮

雷潭為定講師賦

縛草為菴枕碧漪
蒲團長是坐禪時
一聲霹靂驚龍起

布衲蒙頭總不知

雪居為安上人賦

雲壓西湖水欲冰
雪封樓閣玉稜層
夜來門外深三尺
應有齊腰獨立僧

傷春

園林芳事已闌珊
梅未生仁筍未竿
堤上柳眠風脫盡
綠陰應在雨中寒

雨過

雨過山頭雲氣濕
潮生渡口岸痕深
一聲短笛斜陽外
知有漁舟泊柳陰

即事

花露研朱朝點易
藥爐分火盡焚香
道人不管世間事
自覺閑中日月長

送客

旋沽村酒春浮甕
自汲山泉月浸瓢
清夜客來同一醉
殷勤相送過溪橋

木芙蓉

芙蓉一帶遶池塘
萬綠叢中簇艷粧
錯認園林春富貴
不知葉底有風霜

論詩

三百餘篇豈苦思箇中妙處少人知
籟鳴機動何容力
纔涉推敲不是詩

書館即事

烟拖野色入書窓
一畝平田隔草塘
暮雨初收新水滿
藕花香雜稻花香

對菊

菊似靈均帶楚愁
餐英人去思悠悠
西風籬落甘清苦
不愛春光只愛秋

夜景

一池清浸藕花月
午夜涼生菰葉風
月無邊詩興動

品題收拾錦囊中

秋池

西風吹露冷銀塘
菰葉蕭疎柳葉黃
秋水不知時色老
藕花猶學少年粧

餅花

餅花紅淡浸寒泉
容易彫零亦可憐
堪嘆本根不知處
却將顏色為人妍

簡孫治中歸維揚

聞君騎宦賦歸欵
謾寫詩篇問起居
后土祠前花在否
平山堂下柳何如

題墨竹画扇

淇澳分清入素純一梢瀟洒勝千竿此君不
人間暑
葉已生風夏亦寒

新昌大石佛

倚天岩石費雕鐫佛相分明在眼前莫与嘉州爭大小
法身克滿本無邊

黃菊

壓叢秋色萬黃英多少金風染得成籬下年來無靖節
寒香不似晉時清

螢火

化形腐草暗生光數點隨風過野塘
寔下久無人夜讀
此身不入照書囊

睡起

滿堦紅影掃斜陽一枕秋風桂子香
夢裏不知身是客
覺來依舊在他鄉

寄秋山和尚

幾夜孤吟憶貫休疎鐘敲月動詩愁
何時來入匡廬社
分我山中一半秋

懷友

聽雨思君淚欲流簷聲滴老鬢
邊秋何時過我晴窓下

共話思君聽雨愁

昭瑞宮月夜

飛仙扶我上瑤壇
古桂香中夜倚欄
鈿笛一聲吹月落
滿身風露不知寒

東山謝太傅祠薔薇亭

園基別墅卻秦軍
千載功名一窖塵
今日江山非晉有
荒祠花木為誰春

夢情為懶菴上人賦

柏子烟銷懶坐禪
白雲半榻伴高眠
分明記得莊周蝶
飛向梅花雪澗邊

田家

流水小橋江路景
疎籬矮屋野人家
田園空澗無桃李
一段春光屬菜花

春寒

客思重上山色外
詩愁點上雨聲中
着人料峭東風急
墻角桃花未肯紅

春寒料峭透窓紗
睡起晴蜂恰報衙
怪得曉來風力勁
滿階香雪落梨花

池荷

紅藕花多映碧欄
秋風終起易彫殘
池塘一段榮枯事

都被沙鷗冷眼看

聽琴

一曲倚蘭按玉徽
高山流水少人知
紛々耳聽非心聽
安得人間有子期

蓬山堂訪王鶴隱高士不植

蓬萊深處訪仙家
雲護岩扉石徑斜
笙鶴未歸春寂々
青鸞啄碎碧桃花

過曹娥廟

細雨兩山看黛斂
怒濤千古哭聲寒
湏知此廟閑風教
莫作尋常神女看

禹廟行春

大禹祠前柳色新
駢闐車馬闐行春
登臨都道江山好
話到平成能幾人

子胥廟

伍相祠前雲氣昏
奔吳心事與誰論
怒濤夜半翻江月
疑是忠臣一片魂

西湖行春

畫船無復沸笙歌
湖下年々自碧波
回首蘇公堤上柳
綠陰不似舊時多

明妃

和我何惜遣娥眉悔悟徒然殺画師漢主深恩如可報
妾身死虜亦無辭

一函香骨埋沙漠魂魄多應繞漢庭惟有春風知此恨
年年吹拂草痕青

煬帝行宮

彩鳳樓前汴水流君王不復錦帆遊長堤舊日青
柳曾帶春風拂御舟

明皇按樂圖

一曲霓裳舞太真誰知鞀鼓動胡塵當時若按周姬樂
治世音中無亂人

采蓮女

越女蘭舟泛綠漪采蓮花露濕紅衣萬荷影裏歌聲過
驚起鴛鴦貼水飛

通玄觀

雲氣深々護石壇紅塵飛不到闌干清陰滿地無人跡
一徑松風鶴夢寒

林高士隱居

家住西湖深更深古松陰裏禮茅君白猿攀樹藤花落
點破巖前一地雲

吟邊

落盡荼蘼燕未歸
小園寂寂掩柴扉
吟邊正苦無詩料
風透楊花撲客衣

道士夜醮

步虛聲裏碧雲飛
珮玉珊珊謁紫微
月浸剗風鸞鶴過
仙都道士拜章歸

題梅花詩卷後

月香水影句清奇
除却逋仙更有誰
吟骨春風吹不落
此翁已後絕無詩

贈王琴所能詩能琴

一曲絲桐餘古意
百篇風月寄閑情
君詩即是琴中操

底用離鸞別鶴聲

謝聰講師惠桂花

廣寒世界仙家種
金粟如來佛國花
多謝高人分惠我
一枝和月到山家

客懷

年已春暮客天涯
愁見東風颺柳花
自嘆身如梁上燕
營巢長傍別人家

春寒夜

銀燭燒殘聽漏聲
春寒詩思覺淒清
一庭夜色無人管
分付梨花伴月明

枕邊餅桂

巖桂花開風露天一枝新向枕屏邊清香熏透詩人骨
半榻眠秋夢亦仙

問菊

山園對立對秋光一袖西風兩屐霜笑倚東籬問寒菊
自淵明後幾番香

唐竹鄉道士相過

一徑秋風老碧苔柴扉掩畫少僧開詩書門戶無人到
只有通玄道士來
半軒疎雨

簷前數點弄晴光
浥露庭花枕簟香
池草夢回詩思杳
吟窓分得一邊涼

蝶

隨風粉翅太輕狂
夜宿花房春夢香
栩栩不知身是夢
又將魂夢化蒙莊

見鴈有懷

滿眼西風憶故廬
親朋音問久相疎
年々江上無情雁
只帶秋來不帶書

聽講師涅槃臺

莫將生死視如來
要看蓮花火裏開
勤到灰飛烟滅處

涅槃不是涅槃臺

贈談命姚月壺

胷中消息千年曆
舌底窮通一世人
試把五行推測看
廣文官冷幾時春

中秋對月

十分蟾影照人間
一片山河古影寒
惆悵年々今夜月
人生能得幾回看

秋意

梧葉翻風敲老樹
蛩聲帶月泣寒莎
只消些少閑風月
便覺客窓秋意多

對菊

春花能得幾時紅
萬樹繁華轉眼空
黃菊雖黃偏耐久
西風雅淡似東風

玉繡毬花

花神巧學傳官樣
不屬針工屬化工
疑是瓊瑤初琢就
一團香雪滾春風

即事

春晴無處不繁華
多少遊人逐鈿車
盡道東風花柳好
誰知生意在桑麻

九日感懷

新橙初試蟹螯肥一曲清歌酒一卮料得故園秋正好
黃花應怪客歸遲

黃蜀葵畫卷

蜀質何人為寫生金杯翠袖捧朝陽花前露重宮題濕
猶帶南熏殿裏香

春夢

銅匱艾袖翠氤氳六六屏山酒半醺夢入中州看秦畫
春風吹亂玉梨雲

題明皇按樂圖

五鳳樓前沸管絃春宵花暖月娟娟纖腰舞到霓裳曲

驚起豬龍地上眠

明皇楊妃合笛圖

君王擁袖倚嬌容指法相同曲亦同料想馬嵬千古恨
當年已寓笛聲中

暮景

浮雲開合晚風輕白鳥飛邊落照明一曲彩虹橫界斷
南山雷雨北山晴

和靖墓

木落孤山墓草荒梅花千古帶詩香吟魂仙去誰招得
獨宿一聲幽恨長

宮詞

聞說君王御宴回
宮人留鑰內門開
琵琶撥盡黃昏月
不見花間鳳輦來

臨平泊舟

客舟繫纜柳陰傍
湖影侵篷夜氣涼
萬頃波光搖月碎
一天風露藕花香

錢府舊園

十二峰前富貴家
亂離不復舊繁華
亭臺寂寂無人到
流水東風自落花

春雨詞

簷聲滴碎玉闌干
開盡梨花亦懶看
燕子不歸人寂寞
深上宮殿鎖春寒

山中

萬壑松聲撼翠微
夜寒風露濕人衣
山翁踏月巡幽徑
竹裏籠開雀未歸

客路

春風客路草萋萋
小駐征鞍日又西
回首前山雲樹暗
竹雞聲裏鷓鴣啼

金陵懷古

六宮禾黍千年恨
一片江山萬古情
明月不關興廢事

夜深還照石頭城

仙姑對奕圖

碧玉花冠素錦裳對拈棋子費思量
經年不下神仙著想是蓬萊日月長

山村

小小荆扉傍水開竹橋分路入蒼苔
呼童掃去堦前葉怕有詩人踏月來

虎丘阻雨

石闌浸碧劍池空池外秋聲萬壑風
人倚僧窓看風雨亭上蟾影有無中

道